



Broj: 04-40-1-305/25  
Sarajevo, 02.11.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

### **REDOVNI IZVJEŠTAJ** **za period od 08:30 sati 01.11.2025. do 08:30 sati 02.11.2025. godine**

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 11 intervencija, od toga dvije veće i devet manjih intervencija:

Veće intervencije:

Dana, 01.11.2025. godine u 19:53 sati u ul. Boguševac br. 32., Općina Stari Grad, gdje je došlo do požara na kući. Požar je lokalizovan u 20:52 sata, a likvidiran u 22:09 sati. U gašenju požara učestvovalo je devet vatrogasaca sa dva vatrogasna vozila. Nije bilo povrijeđenih lica.

Dana, 02.11.2025. godine u 05:23 sati u ul. Behdžeta Mutevelića br. 1., Općina Novo Sarajevo, gdje je došlo do požara u stanu. Požar je lokalizovan u 05:41 sat, a likvidiran u 06:17 sati. U gašenju požara učestvovalo je deset vatrogasaca sa dva vatrogasna vozila. Nije bilo povrijeđenih lica.

Manje intervencije: jedna na gašenju zapaljenog smeća u kontejneru, jednu tehničku intervenciju na otvaranju vrata stana i sedam obezbjeđenja (pet na Međunarodnom aerodromu Sarajevu i dva sportska događaja).

**Općinski operativni centar civilne zaštite Stari Grad:** Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 01.11.2025. godine, utvrdili su slijedeće stanje:

#### **1. Curine njive (Opština Istočni Stari Grad i Općina Stari Grad Sarajevo – Bostarići):**

Uočene su geološke promjene, uključujući formiranje pukotina uslijed atmosferskih uticaja i pucanja tla (na dijelu „Curine njive ispod igrališta“ – dio šumskog zemljišta).

Prilikom obilaska lokaliteta klizišta nisu uočene značajnije promjene u odnosu na predhodne dane.

Vlažnost tla je nešto manja, ali je i dalje prisutan dotok vode iz pravca donjeg dijela deponije, koji

se ulijeva u drenažni kanal. Na kraju drenažnog kanala primjećen je slabiji dotok vode. U donjem dijelu terena igrališta i dalje je prisutna erozija tla, koja se manifestuje kroz osipanje zemlje. Na površini klizišta nisu uočene veće pukotine.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

## **2. Knjeginjac (Opština Istočni Stari Grad):**

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora.

Na lokalitetu deponije nisu uočene veće promjene u odnosu na predhodni period. Površina tla pokazuje vidnu vlagu, posebno na dijelovima izloženim djelovanju podzemnih i površinskih voda. Na gornjem dijelu uočena je blaga erozija, dok je u donjem dijelu i dalje prisutna voda u vidu manjih plavnih površina i blatnjavog tla. Stanje ukazuje na zasićenost tla vodom, pa je potrebno nastaviti praćenje mogućih promjena terena.

Ocjena rizika: Slijeganje deponijskog materijala i erozija usljed atmosferskih uticaja.

## **3. Bistrički potok (Općina Stari Grad Sarajevo – Boguševac i Opština Istočni Stari Grad):**

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Izvršen je obilazak i vizuelni pregled Bistričkog potoka. Utvrđeno je da nema zastoja u protoku vode na dionici od mosta na Boguševcu do Latinske ćuprije, a tok vode je stabilan i nesmetan. Primjećen je slabiji dotok vode iz pravca Trebevića, dok u koritu nema nanosa koji bi ometali protok. Na dijelu iznad mosta, koji pripada općini Istočni Stari Grad, i dalje su prisutne urušene stijene i oborena stabla koja djelimično sužavaju tok vode.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

## **4. Evakuacija stanovništva sa ugroženih područja:**

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

**Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektro distribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 8°C, vlažnost zraka 70%, barometarski pritisak 946,5 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

**Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH,** gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a